

# КОМСОМОЛОНЬ ВАЙГЯЛЬ

ЛИСЕНЬДИ IV-це КИЗОСЬ

Мокшэрзянь ВЛКСМ-нь  
обкомть и Саранскяень  
горкомть газетасна

Адресь г. Саранск, ул. Ленина 9  
телефон № 1-72

12

МАРТСТА  
1937 КИЗОНЯ  
28 (402)

Лисеньди ковти 12-ксты

## Герой пограничниксь орденоносець Кондратьев ялгась МАССР-нь ЦИК-ть президиумонц приемса

Мартты 9 шистонза МАССР-нь ЦИК-ть председателец Сурдин ялгась примазе пограничник геройть-орденоносець Иван Родионович Кондратьев ялгать. Якстерь Армияв молемода интеле Кондратьев ялгась ульсь Атяшегань районь Буденнайть лемса колхозса колхозникос.

Дальневосточнай границатнень арелямаса боевой заслуганкса Советский Союзонь правительствась казеце Кондратьев ялгать боевой Красной Знамянь орденса.

Нюркяень беседаса Кондратьев ялгась азондозе 1936-це кизонь ноябрьть 26-це шистонза границань нарушительхнень каршес тюремать колга, коса минь родинанькень доблестнай цьоранза, сяконь йоткса и Кондратьев ялгась, тапамок врагть натисконц, сатсть эсьтеест пяк оцю слава и героизма.

Мартты 10 шистонза орденоносець Кондратьев ялгась якась Лайош ялгать частьс. Боецне и командирхне герой—пограничникти организовандасть седи вакскань васьфтема.

Илять тыка-жа шиня Кондратьев ялгать частьс МАССР-нь правительствась организовандасть торжественнай ужин. Правительствань члентне внимательнайста кулцендозь герой-пограничникть скромнай рассказонц Дальневосточнай границаса 1936 кизонь ноябрьть 25-26 шинь событийтнень колга.

ЦИК-ть президиумонц лемса Сурдин ялгась макссь геройти ручной частт, партиян обкомть секретарец Прусаков ялгась азсь пожелания Кондратьевти, конац оду туй границатнень ареляма, улемс и ингелинга тятфамса жа геройкс и зняльсь азомсонь частьсонза пограничникнени, што мокшэрзянь народсь, Советский Союзть сембе народонзон марта, арайхть грудью родинать границанзон ареляма.

## Художник Ф. В. Сычковти максф МАССР-нь искусствань заслуженнай деятелень звание

МАССР-нь ЦИК-ть президиумонц решениянц коряс художникти Федот Васильевич Сычковти максф искусствань заслуженнай деятелень звание изобретательнай искусствань тевса выдающей заслуганкса; сонь лама цебарь работанзон инкса, конат няфнесазь мокшень велеть бытонци трудонц.

Тяда башка ЦИК-ть президиумонц назначандась Сычков ялгати пожизненной пенсие—500 цалковайхть ковти и одс строяви кудтнень эса макссь квартира. Сай кизоть Сычков ялгать картиназон эзда ули пуроптф персональной выставка.

Октябрьский революциять ушедомок Ф. В. Сычковсь атак тушендт работась оцю художественностень марта произведениянь лангса эсь родной велесонза, Ковылкинень районса.



Мартты 2-це шистонза МАССР-нь правительствась примазе Шебулев пограничникть. Шебулев ялгась советский границиатнень ваномста боевой заслуганкса казф Якстерь Знамянь орденса.

СНИМКАСА: Шебулев ялгась МАС Р-нь правительствань члентнень йоткса (кяржи ширде види шири) МАССР-нь Совнаркомть председателец Козиков ялгась, ВКП(б)-нь обкомть секретарец Смирнов ялгась, орденоносець-пограничниксь отделеиннай командирсь Шебулев ялгась, МАССР-нь ЦИК-ть председателец Сурдин ялгась, МАССР-нь военной комиссарсь капитанць Буров ялгась.

## ГЕРОИТЬ БРАТОЦ

**Куйбышев.** Куйбышеву мрдась делегациясь, конац прважазе Дальний Востоку Иван Лагодать, кона азсь мьяль полафтомс японо-манчжурской отрядть марта бойса шавф эсь братонц Семен Лагодать. Делегациять составса ульсь шавф геройть аляц Федор Абросимович Лагодась—Исаклинский МТС-са слесарсь и Корпухин ялгась—тяка жа МТС са тракторнай отрядонь бригадир, коса работась Иван Лагодась.

— Пяк меляфтови тейне Советский Союзонь маршалть Блюхер ялгать марта васедемась,—азонкшнесы Федор Абросимович Лагодась.—Васедемя минь Хабаровский-са апак учендт, комсомолонь крайкомть пленумсонза. Монь и цьоразень Иванть представили маршалти.

— Цебарь тиянь цьоранесте, богатырь. Да и тонцья молодецат,—люпштамок кядезень, маргсь тейне Блюхер ялгась.

— Кодама келусь, стамот и от-ростканзовок,—отвечань мон.

Блюхерсь пеедзевсь. Тяса не-жедсь партиян Дальневосточнай краевой комитетть секретарец Варежис ялгась, здоровондась мар-тонок и, шарфтсь Иванти и маргсь:

— Ульхть смелай, отважной и стойкай, кодама ульсь тонь братце Семенць, тонафнек цебарьста, и арьсетыма тейть улемс маршалкс, кода Блюхер ялгась.

— Мезе-жа,—пшкядьсь Блюхер ялгась,—мон стания жа ушедонь йомлянйста! Лейтенантокс тейть, Лагода ялгась, эряви арамс васенце очерестакига.—маргсь маршалкс.

Сяда тов Блюхер ялгась кизефтемазь минь, кода минь йотафнесаськ пингть, и тердемазь сон эсь ширезонза.

Корпухин бригадирсь азонкшнесы:

— Пограничниксь Семен Лагода калмаф Спасский приамурский партизантнень братский калмоснон

марта рядсок. Сонь калмонц лангса—сядот венокт, панчфт всякай лаца организациань и воинский частьень эзда. Спасский гарнизононь боецнень митингост выступил Иван Лагодась:

— Клянусь тонь светлай памятьцень марта, монь кельгема брагозе Семен, мон карман стания жа, кода и тон, преданнайста арелякшнемост минь родинанекень границанзон и васенце схваткаса японо-манчжурхнень бандазон каршес пандса тонь куломацень инкса.

Минутань пингска аф юкстави Иван Лагодать полковой школав примаманц. Курсантонь ротать инголе ульсь морафтф приказсь Иванть примаманц колга. Кулевсь команда:

— Курсант Лагода, арамс рядт-ненди!

Иванць кемя аськолксса тушенды види флангти. Теенза макссеви братонц винтовкац.

М. Тamarin.

## Ладамс афсоюзнай од ломаньтненень йоткса работать

Комсомолть центральной задачац ащи тиян сянь эса, штоба воспитантамс од ломаньтненень коммунистический духса. Партиясь доверендазе комсомолти сембе советский од ломаньтненень воспитаниясон.

Лама нинге комсомольский работникта и комсомольский организацияда, конат юкстазь аф союзнай од ломаньтненень йоткса работать.

Котониннай фабрикаса 200 аф союзнай од ломаньт. Аньцек 3 синь эздост тонафнихть комсомольский политкружокса, а лядык 197 ломаньць политтонафнемать марта апак фатакт.

Махорочнай фабрикаса 25 афсоюзнай од ломаньт и фкявок синь

эздост аф якай комсомольский школав. Аф союзнай од ломаньтненень йоткса аф вятевти кодамовок политико-воспитательнай работа.

Тяста няеви, што нят комсомольский организациятне юкстазь комсомольский уставть, юкстазь программать и Ленинонь—Сталинонь партиянц довериянц.

ВЛКСМ-нь уставсь васендакига путни обязанность комсомолецненень лангс „тонафнемс Марксонь, Энгельсонь, Ленинонь, Сталинонь трудсон и азончнемс марксистско-ленинский учениять од ломанень кели массатненди“.

Тя уставной положениясь кирди пяк оцю значения, сяс мес советский од ломаньтненень долясон

лангс сатсь пяк оцю честь партиять руководстванц вельде, Сталин ялгать руководстванц вельде тиёмс коммунистический обществса.

Сембемасторонь трудяй народть величайшай учителец В. И. Ленин ялгась аф весть корхнесь, што марксистский мировоззренияфтома, пролетариатть и сембе тяда ингольдень тюремань историянц апак содак, од ломаньтненди аф пшкодевухть синьцень исторический миссиясна.

Тя эряви шарькодемс. Комсомольский организациятненень инкса лия кивок аф кармай работама. Надиямс кинь-кинь лангс аф эряви.

П. Горьканов.

И. Р. КОНДРАТЬЕВ.  
Герой-пограничник-краснознаменец.

## СЯСЬКОСЬК ВРАГТЬ КОЛМА АТАКАНЗОН

Ноябрь 25-це шистонза сембе великай советскый народсь кулцондозе Сталин ялгать докладонц. Ся шиня Якстерь Армиять инь цебарь командиронза и боеценза ащесть боевой вахтаса—ванондозь границать врагтнень эзда.

Врагсь содазе, што Якстерь Армиясь станя жа, кода и сембе советскый народсь, кармай кулцондомонза Сталин ялгать докладонц. И сон думандазевсь тиемсь эсь подлай теვენц.

Шинь стяма ширьде уфась вармань кельме кожф. Весь ульсь морознай. Ниле частста шовдава, старшай лейтенантсь Кочетков ялгась эряскадозь сувась караульной помещениав и макссь команда: „взводти, тревога!“

Вете минутта меле минь взводоньке ульсь вооруженнай и анок пашкодемс любой боевой задача.

Старшай лейтенантсь макссь взводти боевой задача:

„Японо-манчжурскый бандиттне йотазь границать. Сия эздодост ведьгемонда лама. Коннайхть и пешайхть. Взводти занямс Павлова сопкать и срафтомс японо-манчжурскый отрядть.“

Эряскадозь туме Павлова сопкать ширес. Кулеви ружейнай перестрелкась. Сидеста сязендевихть гранататне. Героическый пограничникне вятсь ожесточеннай бой японо-манчжурскый васеньце отрядть каршес.

Сопкати модемс илядсь ниле километрат. Старшай лейтенантсь лоткафтомась ваймама. Ся пингть наглай налетчикне кармасть вятеме пограничникнень каршес вишке тол гранатометса и автоматса.

Ашезь кирьдев минь гневоньке и аф ваномок сянь лангс, што кафта частста модемс 25 километра, минь атказаме ваймамать эзда и анаме прят старшай лейтенантть кядьста, штоба куроко尼亞 максомс лезкс пограничникнеди.

Сопкати илядсь модемс 1,5 километра. Минь улеме спокойнайхть и верондаме эсь лангозонк. Минь улеме анокт и учеме приказ командирть эзда.

Нарушандавсь тишинась. Морознай кожфть эса кайгозевсь выстрелхне, японо-манчжурхне нолдасть минь лангозонк ураганнай тол—станковой пулеметса, винтовкаса и гранатаметса.

— К бою!,—макссь команда старшай лейтенантсь. Минь араме боевой порядкас. Пулятне повонць паштекс шуфтонятнеди.

Старшай лейтенантсь ашезе сода врагть точнай расположениянц. Но сон пяк лац содасы военной тактикаць, оцю военной опытоц и пяк сметливой разумоц.

Эстакиге сон цебарьста шарькодезе, што врагсь ащи советскый модать лангса, занязе сопкать. И вов сонь решениянц анокт: „Окружить врагть фацке ширьде. Пулеметонь и винтовкань толть марта панемс сонь советскый модать лангста. Кда врагсь кармай упорствовамода—срафтомс сонь эсь востозонза.“

Ветя сятт метра минь шаштоме ловть ланга сопкать ширес. Налетчикне кармасть йоряма лангозонк гранатаса. Аф ваномок сянь лангс, што японо-манчжурхне вятсь минь лангозонк ураганнай тол пулеметста и гранатометста, минь занясь окопнень.

Ся пингть японо манчжурхне кармасть наступать. Мон занянь



Герой-пограничниксь, орденоносецсь И. Р. Кондратьев ялгась

окоп види ширень флангти. Аньцек кенерень анокламс станковой пулеметозень, бандиттне комоць лангозонк атакав. Сиянь пешкодыхть „Банзай!“, „Банзай!“.

Минь кенерема максомс колма пулеметста меткай тол. Самураевскый солдаттне и офицерхне кармасть пярема пулфокс советскый модать лангс. Врагсь ашезь кирьде. Кадозе сопкать.

Минь занясь сопкать. Аф ламос арась затишье. Ся пингть японо-манчжурхне апак лотксек усксесь подкрепление.

Обедти бандиттне ушець вятеме омбоце наступлениянь. Минь взводсонок ульсь 36 боецт. Японскый командованиясь кучсь каршезонк колма группат. Сия кармасть вятеме наступления колма ширьде: фкя группась эцесь види ширьде, омбоцесь кержи ширьде, а колмоцесь—кучкава.

Мон ащень эсь станковой пулеметозень марта кучкаса. Старшай лейтенантсь макссь тейне приказ: „Меткай пулеметнай толть марта машфтомс кучкаста группать... максомс лезкс види ширьдень группать машфтоманцты...“

Бандиттне содазь, што минь эздонок аф лама и вишкста эцесь лангозонк. Мзярда противниксь шаштсь малазонк, мон максонь Кувака очердень тол кучкаста группать лангс. Японцне кармасть пяреме, кода пулфт...

Старшай лейтенантть приказонц пашкодеск... японо-манчжурхне ульсь машффт в пух-прах. Аф

фкя кемоньт наглай налетчикнень эзда получать эсь конязост свинцовой пулят..

Тя бойть пингста ульсь смертельно ранендаф Семен Лагодась. Вражескый пулясь повсь сонь боконза. Но герой Лагодась эсь пулеметонц ашезе кад. Геройсь сотозе бинтса рананц и киндинге сон ашезе аз, што сон ранендаф. Фкя кядьсонза кирьдсь ранать эзда шуди верть, а омбоце кядьсонза вятсь смертельной пулеметнай тол наглай бандитнень каршес. Тяфта сон тюрсь лядькс виени маштомс.

Лейтенантсь няезя, кода герой Лагодать суронзон йоткова шудесь версь...

— Кандость пулеметчикть тылти—макссь приказ лейтенантсь.

Лагодась апак кортак максозе эсь пулеметонц лейтенантти, шаштсь несколько метра фталу и валомне пшкяць:

— Монць шаштан... Боецне эрявихть бойти!.. Рананзон эзда шудесь геройть лядькс вероц, но сон сускозень пеензон и ашезь пшкядь фкявок вал эсь срядьфонц колга.

Бойсь аф ламос аделавсь, но врагсь эсь зверскый намерениянц ашезе кад. Штоба ушедомс колмоце наступлениянь, японскый командованиясь усксь подкреплениеди батальон японскый салдатт.

Шоподьсь шись. Сопкать лангс кеподьсь густой туман. Менельсь вельхтявсь оцю туцьяса.

Японцне макссь ниле орудийнай выстрелхт—сопкать лангс. Тяфта ушедьсь бандитнень колмоце наступлениясна Советскый территориять лангс.

Минь лангозонк эцесь 350-да лама японец. Вийхне ульсь аф фкя лацот. Эр якстерьармеецти эрявсь тюремс кемоньда лама японцень каршес.

Весь ульсь шовда. Японскый батальонць комоць лангозонк атакав. Сиянь пешкодыхть „Банзай!“ „Банзай!“ (Ура) Минь нолдаск ходс гранататнень и станковой пулеметтнень. Аф ламода меле завязался штыковой бой. Шовдаты марта аф няеви: кие миньценя, кие японец. Ниясак моли шляпаса—тя значит, японец. Арай ужьялкс юмафтомс лангозонза патронць и рас!—лопадьсак пряс винтовка прикладса \* японцеть... Готово!.. Тяфта жа омбоцеть... Колмоцеть... Кой-кона якстерьармеецсь тя схваткать лингста шавсь кемонь и сядя лама японскый солдатт.

Японскый самурайхне ниясазь, што илячни эздот аф лама и шарфтозь нярьснон эсь ширезост.

Тяфта ульсь отбитай колмоце японскый наступлениясь.

### Тяфтама геройхть улихть авьцек миньцовок

Мон йоран азомс аф лама минь геройнеконь колга, конат доблестнайста арелязь великай Советскый Союзть священной моданц.

Лейтенантсь Демченко ялгась бойть пингста ульсь ранендаф пряс. Сембе шамац валовсь верса... и сон ашезя кад эсь востонц, бойть аделамс командовандась эсь отрядонц лангса.

Мужественнай пограничниксь Панфиловсь получаць 9 ранат японскый гранататнень эзда и сон мезевок ашезь аз ялганзонды эсь ранениянц колга: сон изь йора отвлекать эсь ялганзон бойть эзда.

Панченко гранатометчиксь ульсь окруженной озверелай врагтнень марта. Сон волдазень сембе гранатанзон врагть лангс. Сон ашезе кад эсь востонц и шавсь аф фкя бандит винтовкань прикладса. Панченко геройсь ульсь фатяф колма японец марта фталда, но сон ашезе нолда эсь кядьстонза гранатометть...

Обессиленной ударса и сялкф штыкса, Василий Барановсь тюрсь кемонь японцень каршес. Сон геройски арелязе эсь моданц, эсь свободанц, эсь счастьянц. Аньцек мзярда сон прась, эста сонь сявозь японцне эсь ширезост. Мзярда раненай и измученнай геройти мярьксть азондомс военной секретт, сон врагти мезевок ашезь азонда—сон пашкодезе лядькс минутать самс эсь гражданскый долгонц родинанеконь инголе.

Минь келькась эсь социалистическый родинанеконь. Келькась Ленинонь—Сталинонь партиянц.

Келькаськя человечествовать величайшай гениени Сталин ялгать. Человечествовать счастьянц ингса, Сталинонь теვენц ингса минь аф ужьялдсаск эсь эряфоньконь. И мзярда мярьги Ленинонь—Сталинонь партиянц, максаск капляда-капльс сембе эсь вернеконь коммунизма ингса.





Советский границатненъ ваномост.

СНИМКАСА: Е. Бурков проводникъ (западный граница) „Шибельварт“ пинеть марта секретса.

ФОТОСЬ Б. ФИШМАНОНЬ (СОЮЗФОТО)

## РЕСПУБЛИКАНСКИЯ ШАХМАТНАИ ТУРНИРТЪ ИТОГОНЗА

Мартть 1-6-це шинзон эзда Саранскийса йотнесь республиканский шахматнай колмоце турнирсь. Турнирса примасте участие 22 ломаньт республикань 10 районтненъ эзда.

Сянь инкса, штоба сяда цебарьста йотафтомс турниртъ, участникне ульсть явфт кафта группав 11-нь ломань эрь группаса.

Васенце группати сувасть инвию налкхине республикань ингольдень чемпионтне Ломов, Ильин (Ковылкинаста), А. Корелин (Ардатоваста).

Омбоце группати сувасть республикань чемпионц Орешин ялгась, Подложонов (Ковылкинаста), Корелин К. (Ардатоваста).

Васенце группаста лиссть победителькс Ломов ялгась (Саранскийста), кочкась 10 очкат 11 возможнайхненъ эзда; Болдин ялгась (Саранскийста), кочкась 8 очкат 11 возможнайхненъ эзда и Федотов ялгась (Ромодановаста) кочкась 6<sup>1</sup>/<sub>2</sub> очкат 11 возможнайхненъ эзда.

Омбоце группаса лиссть побе-

дателькс Орешин ялгась (Саранскийста), кочкась 10 очкат 11 возможнайхненъ эзда; Подложонов ялгась (Ковылкинаста), кочкась 8 очкат 11 возможнайхненъ эзда и Щербаков ялгась (Саранскийста), кочкась 7<sup>1</sup>/<sub>2</sub> очкат 11 возможнайхненъ эзда.

1937 кизонди республикань чемпиононь определениять инкса мартть 6-9-це шинзон эзда йотаффт инь цебарьста налкхине финална, коса примасте участие 6 инь цебарьста налкхи шахматисттне: Орешин, Ломов, Щербаков, Подложонов, Болдин и Федотов.

Колма шит мольсь тюремась 1937 кизонди республикаса чемпиононь лемень получандамать инкса.

Чемпиононь лемть сатозе Орешин ялгась, конач финала кочкась 4<sup>1</sup>/<sub>2</sub> очкат 5 возможнайхненъ эзда. Омбоце вастъ заняе Подложонов ялгась, кочкась 3<sup>1</sup>/<sub>2</sub> очкат 5 возможнайхненъ эзда и колмоце и нилеце васттненъ сатозь Ломов и Щербаков.

С. К.

## Павазуфненъ праздниксна

Мартть 7-це шистонза Мокшерзянь рабфаконь клубсь пшккодсь студенткада преподавательницада. Тячиень шиня синь пуромсть эсь праздниксон международнай коммунистический женский шить праздновандамонза. Тячиень шиня синь тиендихть итог эсь работасонды, няфнесазь цебарь ударницатненъ и общественницатненъ.

Международнай комунитический женский шити посвященной вечерсь лувондови панчфокс. Святкина студенткате международнай коммунистический шить колга докладтонза меле казендевихть инь цебарь студенткатне отличницатне.

Торжественнай частьсь аделаф. Ушедкшневи художественнай частьсь. Физкультурнай агитгруппатъ выступленияц, хорсь, струнной оркестрсь шарфнесазь эсь ширезост залса кулцендыхненъ мяльсвои.

Студенткатне Саушина, Богородская и лият наряжафт матросский костюмса. Синь кшинисазь матросский танецт. Декламациятне, башка кштиматне васьфневихть аплодисментса. А тяда меле студенткатне и студентне ушедсть танцовандама и налксема.

А. К.

# Омба масторга

## Испаниянь компартиять ЦК-нц пленумоц

Валенсия, 9. Испаниянь компартиять ЦК-нц расширеннай пленумоц заключительнай иляденъ заседаниясонза сембе араторхне нийге вестъ няфнезь партиять афшерьфтеви единстванц, фронтненъ и тылхненъ эса и победать инкса тюремаса сонъ пяк оцю работанц. Ингольдень 5-це полктъ политический комиссароц Конрерассь азозе: „300 тыожаньда лама испанецт, мобилизациянь апак учендт, тусть эсь родинасон независомтенц ареляма. Минь резервоньке могут пачкодемс миллионц. Минь войнанеке — пощадафтома война. Сонъ эсонза неможет улемс аф компромис, аф перемирия. Сон аделафи фашизмать моральнайста, политически и физически машфтоманц марта, иностраннай интервентненъ панемаснон марта и врагть марта заняф сембе территориятненъ освобожденияснон марта“.

Компартиянь политбюронь членсь, республиканский армиянь фкия частень командирсь Картонць, конавсьффт вишке овацияса, кортась резерфненъ колга. Сонъ речец ульсь существас коря настоящей практической лекциякс военной организациять и стратегиять колга темать коряс. Тя речть марта оделавсть прениятне Диассь докладонц коряс.

Заключительнай валсонза Диассь азозе, што сембе делегатненъ выступлениясна няфнесазь тя пле-

нумть оцюдонга оцю видексонь политической уровененц. Партиять кармайтъ уleme ломанень сатомшка кадранза, конат эрявихть фронта и тыльса работамса, васендакиге, промышленностьса. Минь политиканьке, минь генеральной линиянке,—азозе Диассь,—правильнай и сембе минь единадушнайхтыма сонъ оценканцты и поддержканцты. Аноктада лиятинь пачфтемс Испаниять сембеда глухой ужевианзонды, сембе странати и кели массатненди сят задачатненъ и лозунгтненъ, конат ульсть кочксейт и конат улихть сформулированайхть ЦК-ть резолюцияса? Сембе присутствующахне отвечахть тянь лангс вишке аплодисментса и единадушнайста атямкс кулевсь валсь „да“. Итяфта,—кортай заключенияса Диассь,—кярьмодьтыма работамстаня, кода подобает видексонь большевикненди!“

Мадридский областной комитетть секретаренц Ангоитть заключительнай валдонза меле пленумсь кочкась од ЦК, конаньди кочкаф 65 член. Кабальеро премьерти кучф пленумть приаетствиянц лангс правительствать главац отвечаць благодарственной телеграммаса, конань эса азондсы „тюремать мянь победати модемс мольфтеманцты правительствать твердай решимостенц“.

## ИСПАНИЯНЬ ФРОНТТНЕНЬ ЭСА

(ТАСС-ть телеграмманзон коряс)

### Мятежникненъ атакасна отбитайхть

Мартть 9-це шистонза илять Мадридть арелямаса Комитетсь азозе: „Гвардаллахары районас противниксь мольфць вишке давления италийский часттненъ лездомаснон вельде. Республиканский войскактне тиендихть решительнай сопротивление“.

Мартть 10-це шинц карша вет мятежникне сембе вийса йорасть сяземс республиканецненъ фронтснон, нолдасть ходс современной военной техникань ламодонга-лама средстват и ураганнай артиллерийский толса анокласть наступления, конач мольсь несколько част.

Пленц сьавф италийский солдаттне азозь, што сембец Испанияв сась 40 тыожаньшка италиеце чернорубашечникт. Гвадаллахары районса действуют 15-шка тыожань Италиянецт моторизованнай тяжелой артиллерияса, танкаса и зенитнай батареяса. Няч войскактненъ марта камандует Поци италийский генеральсь.

Астурийский фронта Трубия секторса мятежникне мольфць контратака Ла Робольядаса, Пандо, Сан-Пелайо и Санкла-Клауди васттненъ эса республиканецненъ марта аф кунара заняф позициятненъ лангс, теряфнесть сяземс осадань кальдоть и ладямс Градо ошть марта сообщениять. Сембе атакатне ульсть отбитайхть.

Андалуский фронта республиканский войскактне сязезь Альколео и Лос Педрочеса машина кинь седьтненъ и тянь марта сязезь мятежникненъ сообщениань киснон.

### Германиясь кучси Испанияв 15 тыожань охранникт

Прага, 10. „Право ляду“ газетась азондсы, што Валенсиаста сав сведениятненъ коряс мятежникненъ „правительствасот“ германский „посольсь“ Фаупельсь мольфць переговорхт Франкоть марта Германиять мятежникненъ марта нинге сяда тесна сотрудничестванц колга. Кода азондсы газетась Германиясь йорай фатямс эсь кядезонза Испаниянь природнай богатстватненъ добувамаснон, васендакиге железнай и меднай рудатненъ. Мятежникненди макссеви лезксть инкса Германиясь

вешсь Франкоть ширьде гарантии, што соньценъ „внешний политикасонза“ сон кармай молема Германиять политиканц коряс.

Ся мес Франкоти трудна ули мумс Испаниянь населениять йоткста сатомшка надежной ломаньт полицейский службань мольфтемс, то Германиясь аноклакшни кучемс Испанияв 15 тыожань ломань охраннай отрядтненъ эзда. Берлинса, Кельнса, Мюнхенса и лия ошненъ эзда пуропфт ни штурмовиконь специальнай курст, конат кочкафт службама Испанияв.

Ответ. редакторть инкса И. С. РОДИН.

Уполномоч. главлито № Д—28. Заказ № 800. Тираж 2113

Саранск типография „Красный Октябрь“ Мордгиза